

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՇՏԵՆՈՒ ՎԱՅՐԵՐՈՒՄ ՎԵՐԱՀՍԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1525

13.04.2015թվ.

ՀՀ Ոստիկանության պետ,
գեներալ-լեյտենանտ
պարոն՝ Վ. Գասպարյանին



Հարգելի պարոն Գասպարյան,

Սույն թվականի ապրիլի 11-ին Դիտորդական խումբը այցելություն էր կատարել ՀՀ ոստիկանության Արագածոտնի ՄՎ Թալինի ՁՊՎ: Այցելության ընթացքում արձանագրվել են թերություններ և խախտումներ:

Թերություններ՝

1. Երկրորդ խցի բարձի երեսը կեղտոտ էր:
2. Ընդհանուր սանհանգույցը գտնվում էր կեղտոտ վիճակում և ամբողջությամբ պատված էր տհաճ հոտով: /կից ներկայացվում է լուսանկարներ - 1,2/

Խախտումներ՝



ՁՊՎ-ում գրանցամատյանները լրացվում են խախտումներով, ինչպես նաև Դիտորդական խմբին չի տրամադրվել ոչ մի հիմք կապված ձեռքարկվածների ներքին և արտաքին շարժի վերաբերյալ:

1. Անդրանիկ Ալբերտի Սարգսյանը 27.02.2015թ-ին ժամը 11.10-ին ձեռքարկվել է և նույն օրը ժամը 11.15-ին ձեռքարկվածի կարգավիճակով ընդունվել է ՁՊՎ: Ըստ ՁՊՎ-ի <<ՁՊՎ-ում

պահվող անձանց հաշվառման» գրանցամատյանի՝ 27.02.2015թ-ին ժամը 16.30-ին տեղափոխվել է ՀՀ ԱՆ «Նուբարաշեն» ՔԿՀ: Ա. Սարգսյանը ՁՊՎ-ում գտնվելու ընթացքում 5 ժամ 15 րոպեում մեկ անգամ ըստ «Ձերբակալվածներին խցերից դուրս բերելու» գրանցամատյանի դուրս է բերվել զուգարան՝ ժամը 14.05-ից մինչև 14.10 ընկած ժամանակահատվածում և կրկին ըստ նշված գրանցամատյանի՝ ժամը 14.30-ին տեղափոխվել է ՀՀ ԱՆ «Նուբարաշեն» ՔԿՀ: /կից ներկայացվում է լուսանկարներ – 3,6/

Դիտորդական խմբի համար անհասկանալի է. առանց կալանավորվելու ի՞նչ հիմքով է անձը տեղափոխվել ՔԿՀ:

2. Արտուր Միշայի Անտոնյանը ձերբակալվել է 12.03.2015թ-ին ժամը 02.50-ին: ՁՊՎ է ընդունվել նույն օրը ժամը 17.25-ին և պահվել է մինչև 17.03.2015թ. ժամը 11.35 մինչ՝ ՀՀ ԱՆ «Նուբարաշեն» ՔԿՀ տեղափոխվելը:

Արդյունքում՝ Ա. Անտոնյանը ձերբակալվել և ՁՊՎ-ում պահվել է մոտ 129 ժամ: Նշված ժամանակահատվածում ըստ ՁՊՎ-ի գրանցամատյանների գրառումների Ա. Անտոնյանը ընդհանուր իրավասության դատարան չի տեղափոխվել և չի կալանավորվել:

Երբ Դիտորդական խումբը ցանկացավ պարզաբանում ստանալ ներկայացվածի վերաբերյալ տվյալ բաժնի ծառայության գծով պետի տեղակալ պարոն Խաչատրյանը մեկնաբանեց, մեջբերում ենք «ձերբակալվածին տեղափոխել են մեկուսարան, այնուհետև երկի դատարան»: /կից ներկայացվում է լուսանկարներ – 3, 4,5,6, 7, 8,9,10,11/

Միաժամանակ Ա. Անտոնյանին 15.03.2015թ-ին, բուժօգնություն է ցուցաբերվել և հրավիրվել է շտապ օգնություն: «Ձերբակալվածներին խցերից դուրս բերելու» գրանցամատյանում չկար ոչ մի գրառում նրան խցից դուրս բերելու վերաբերյալ, իսկ «Ձերբակալված անձանց բուժօգնության կամ բուժզննության» գրանցամատյանում, ընդհանրապես ոչ մի ժամ գրանցված չէր:


Ավելացնենք, ըստ «Ձերբակալվածներին խցերից դուրս բերելու» գրանցամատյանի 30 համարի տակ Ա. Անտոնյանին այցելել է Արագածոտնի մարզի Աշտարակի ԲԿ դատական բժիշկ, ով ՁՊՎ-ում 2 ժամ գործողություն է կատարել և տվյալ բժշկի մուտքի իրավունքը բացակայում էր ՁՊՎ-ից: /կից ներկայացվում է լուսանկար-5/

Այսպիսով, խնդրում ենք ուսումնասիրել ներկայացված փաստերը և տալ մեկնաբանություն դրանց վերաբերյալ:

Միաժամանակ խնդրում ենք մարզի ՁՊՎ-ները չընդհանրացնել և մեկնաբանությունները տալ առանձին:

Հարգանքով

ՀՀ ոստիկանության համակարգի ձեռքակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երեւան, Նալբանդյան 130 հեռ. 59-65-94

N 2/2-1-1598

<< 18 >> 05 2015թ.

Ձեր 13.04.2015թ. թիվ 2621/1525 գր.

«Ոստիկանության համակարգի ձերբակալվածներին պահելու վայրերում հասարակական դիտորդների խմբի նախագահ Հասմիկ Սահակյանին

Հարգելի տիկին Սահակյան

Հայտնվում է, որ դիտորդների խմբի կողմից ս/թ ապրիլի 11-ին «Ոստիկանության Արագածոտնի մարզային վարչության Թալինի բաժնի ձերբակալվածներին պահելու վայր կատարած այցելության ընթացքում արձանագրված հանգամանքներն ուսումնասիրվել են «Ոստիկանության շտաբում, իսկ Արագածոտնի մարզային վարչությունում կատարվել է ծառայողական քննություն:

«Ոստիկանության Արագածոտնի մարզային վարչության կողմից կատարված ծառայողական քննության արդյունքում տրամադրված տեղեկատվության համաձայն տրվում են հետևյալ մեկնաբանությունները:

Թերություններ.

Դիտորդների խմբի կողմից արձանագրված թերությունները վերացվել են:

Խախտումներ.

1. Ա.Սարգսյանը 20.11.2014թ. «Վերաքննիչ քրեական դատարանի կողմից մեղավոր է ճանաչվել և դատապարտվել է ազատազրկման 2 տարի ժամկետով և քանի որ վերջինս գտնվել է փախուստի մեջ նրա նկատմամբ հայտարարվել է հետախուզում:

«Ետախուզվող Ա.Սարգսյանը 27.02.2015թ. ժամը 11.00-ին հայտնաբերվել և բերման է ենթարկվել ոստիկանության Թալինի բաժնի, ժամը 11.10-ին ձերբակալվել և ընդունվել է ՁՊՎ՝ անձնական գործ կազմելու և ՔԿ՝ ուղեկցելու նպատակով: Քանի որ Ա.Սարգսյանի նկատմամբ առկա է եղել «Վերաքննիչ քրեական դատարանի կողմից օրինական ուժի մեջ մտած ազատազրկման մասին կայացված որոշումը, այդ պատճառով էլ նա դատարան չի տեղափոխվել, հետևաբար ՁՊՎ վարչակազմի կողմից «Ձերբակալվածներին խցերից դուրս բերելու» գրանցամատյանում համապատասխան գրառում չի կատարվել:

2. Ա.Անտոնյանը ձերբակալվել է 12.03.2015թ. ժամը 02.50-ին և «Ոստիկանության Թալինի բաժնի ՁՊՎ է ընդունվել նույն օրը ժամը 17.25-ին: 14.03.2015թ. ժամը 16.00-ին նա տեղափոխվել է ընդհանուր իրավասության դատարան՝ խափանման միջոցը քննության

առնելու նպատակով և նույն օրը ժամը 19.30-ին վերադարձվել է ՁՊՎ՝ արդեն կալանավորի կարգավիճակով: Դատարան տեղափոխելու վերաբերյալ ՁՊՎ վարչակազմի կողմից <<Ձերբակալվածներին խցերից դուրս բերելու>> գրանցամատյանում չի նշվել կոնկրետ դատարան տեղափոխելու փաստը, իսկ կալանավորի կարգավիճակով նորից ՁՊՎ ընդունելու մասին գրառում չի կատարվել <<ՁՊՎ-ում պահվող անձանց հաշվառման>> գրանցամատյանում:

15.03.2015թ. ժամը 12.15-ին Ա.Անտոնյանին բուժօգնություն ցուցաբերելու նպատակով հրավիրվել է շտապօգնություն և քանի որ Ա.Անտոնյանը ունեցել է վերջույթների դող ու թմրածություն, ի վիճակի չի եղել դուրս գալ խցից, ուստի նրան բուժօգնություն է ցուցաբերվել խցում, այդ պատճառով էլ <<Ձերբակալվածներին խցերից դուրս բերելու>> գրանցամատյանում այդ մասին գրառում չի կատարվել, իսկ խցերից դուրս բերելու մնացած բոլոր դեպքերով նշված գրանցամատյանում կատարվել են համապատասխան գրառումներ: Ա.Անտոնյանին բուժօգնություն ցուցաբերելու վերաբերյալ բժշկի կողմից կատարվել է գրառում՝ <<Ձերբակալված անձանց բուժօգնության կամ բուժզննության>> գրանցամատյանի 3-րդ հերթական համարի ներքո և վերջինիս կողմից նշվել է նաև ժամը, իսկ ինչ վերաբերվում է այն հանգամանաքին, որ նշված գրանցամատյանում ընդհանրապես ժամեր նշված չեն, ապա տեղեկացվում է, որ գրանցամատյանի ոչ մի սունյակում ժամերի գրառում չի պահանջվում:

Ա.Անտոնյանը 17.03.2015թ. ժամը 09.30-ին քննիչի կողմից ներկայացված պահանջագրի համաձայն տեղափոխվել է Աշտարակ քաղաքի <<Աշտարակ>> Բ/Կ և ներկայացվել է դատական բժշկին ու նույն օրը ժամը 11.30-ին վերադարձվել է ՁՊՎ, ինչի վերաբերյալ համապատասխան գրառում է կատարվել <<Ձերբակալվածներին խցերից դուրս բերելու>> գրանցամատյանի 30-րդ հերթական համարի ներքո:

Գրանցամատյաններում ոչ լիարժեք գրառումներ կատարելու և կալանավորված անձին առանց համապատասխան որոշման ՁՊՎ ընդունելու համար ոստիկանության Թալինի բաժնի հերթապահ մասի պետը ենթարկվել է կարգապահական պատասխանատվության, իսկ ՁՊՎ երկու ոստիկաններ՝ խիստ նախազգուշացվել են:

<< ոստիկանության շտաբ